

四庫全書

經部

按：本冊原書於抗戰播遷中曾遭水漬，致字跡模糊不清，茲雖力經描修版面，仍無法全復舊觀。

欽定四庫全書

經部

禮書綱目卷四十

詳校官監察御史臣左周

給事中臣溫常綬覆勘

總校官進士臣何思鈞

校對官中書臣金光悌

謄錄監生臣金拱閏

欽定四庫全書

禮書綱目卷四十八

婺源江永撰

兵制

軍禮一

補

黃帝始立丘井之法因以制兵

李靖語

殷周以兵定天

下天下既定戢藏干戈教以文德而猶立司馬之官設

六軍之衆

顏師古曰司馬夏官卿掌邦政軍旅屬焉萬二千五百人為軍王則六軍也

因井

田而制軍賦地方一里為井井十為通通十為成成方

十里成十為終終十為同同方百里同十為封封十為

畿畿方千里有稅有賦

稅者田租也賦謂發賦歛財也

稅以足食賦以

足兵故四井為邑四邑為丘丘十六井也有戎馬一匹

牛三頭四丘為甸六十四井也有戎馬四匹兵車一乘

牛十二頭甲士三人步卒七十二人干戈備具是謂乘

馬之法

鄭氏曰甲士在車上也

一同百里提封萬井

李奇曰提舉也舉四封之

內除山川沈丘城池邑居園囿術路三千六百井

臣瓚曰沈

斥水田鵠鹵也如淳曰術大道也顏曰川謂水之通流者也沈謂居深水之下也斥鵠鹵之地定出賦

六千四百井戎馬四百匹兵車百乘此卿大夫采地之

大者也

采官也因官食地故曰采地爾雅曰采寮官也

是謂百乘之家一封三

百一十六里提封十萬井定出賦六萬四千井戎馬四

千匹兵車千乘此諸侯之大者也是謂千乘之國天子

畿方千里提封百萬井定出賦六十四萬井戎馬四萬

匹兵車萬乘故稱萬乘之主戎馬車徒干戈素具五國

為屬屬有長十國為連連有帥三十國為卒卒有正二

百一十國為州州有牧連帥比年簡車

比年頻年也

卒正三

年簡徒

徒人衆

羣牧五載大簡車徒此先王為國立武足

兵之大略也

前漢刑法志

小司徒乃會萬民之卒伍而用

之五人為伍五伍為兩四兩為卒五卒為旅五旅為師

五師為軍以起軍旅以作田役以比追胥以令貢賦

謂用

使民事之伍兩卒旅師軍皆衆之名兩二十五人卒百人旅五百人師二千五百人軍二萬二千五百人此皆先王所因農事而定軍令者也欲其恩足相恤義足相救服容相別音聲相識作為也役功力之事追逐寇也胥伺捕盜賊也鄉之田制與遂同乃均土地以稽其人民而周知其數上

地家七人可任也者家三人中地家六人可任也者二

家五人下地家五人可任也者家二人凡起徒役毋過

家一人以其餘為羨惟田與追胥竭作

一家男女七人以上則授之以

上地所養者衆也男女五人以下則授之以下地所養者寡也可任謂丁彊任力役之事者鄭司農云羨饒也

田謂獵也追追寇賊也竭作盡行

乃經土地而井牧其田野九夫為井

四井為邑四邑為丘四丘為甸四甸為縣四縣為都以

任地事而令貢賦

此謂造都鄙也賦謂出車徒給繇役也司馬法曰六尺為步步百為晦晦

百為夫夫三為屋屋三為井井十為通通為匹馬三十家士一人徒二人通十為成成百井三百家革車一乘士十人徒二十人十成為終終千井三千家革車十乘士百人徒二百人十終為同同方百里萬井三萬家革

車百乘士千人徒二千人

注詳見井田

地官

大司馬凡令賦以地與民

制之上地食者參之二其民可用者家三人中地食者

半其民可用者二家五人下地食者參之一其民可用

者家二人

民賦給軍用者也令邦國之賦亦以地之美惡民之衆寡為制如六遂矣鄭司農云上地謂

肥美田也食者參之二假令一家有三頃歲種二頃休其一頃下地食者參之一田薄惡者所休多夏官

凡制軍萬有二千五百人為軍王六軍大國三軍次

國二軍小國一軍軍將皆命卿二千有五百人為師師

帥皆中大夫五百人為旅旅帥皆下大夫百人為卒卒

長皆上士二十五人為兩兩司馬皆中士五人為伍伍

皆有長

軍師旅卒兩伍皆衆名也伍一比兩一間卒一旅旅一黨師一州軍一鄉家所出一人將帥長

司馬者其師吏也言軍將皆命卿則凡軍帥不特置選於六官六鄉之吏自卿以下德任者使兼官焉鄭司農云王六軍大國三軍次國二軍小國一軍春秋傳曰成國不過半天子之軍周為六軍諸侯之大者三軍可也詩大雅常武曰赫赫明明王命卿士南仲大祖大師皇父整我六師以脩我戎既儆既戒惠此南國大雅文王曰周王于邁六師及之此周為六軍之見於經也春秋傳曰王使虢公命曲沃伯以一軍為晉侯此小國一軍之見於傳也百人為卒二十五人為兩故春秋傳曰廣有一卒卒偏之兩同上

六十不與

服戎

與及也
王制

右民兵

篤公劉其軍三單

三單未詳大雅公劉

五伍

二十五曰元卒

伍兵名

一卒居前曰開一卒居後曰

敦

開謂啟敦謂服

左右一卒曰閭四卒成衛曰伯

皆陣名伯卒名

三伯一長曰佐三佐一長曰右

右伯卒也

三右一長曰

正三正一長曰卿三卿一長曰辟

伯卒則右千卒則正三千卒則

卿萬卒舉令之於君辟君也此謂諸侯三軍數起於伍故不正相當也汲冢周書武順解

司徒司馬司空

三卿也武王是時尚為諸侯故未備六卿牧誓泰誓王乃大巡

六師集傳曰是時武王未備六軍牧誓叙三卿可見此曰六師者史臣之辭也已上周初兵制

成王以周公為有勲勞於天下是以封周公於

曲阜地方七百里革車千乘

革車兵車也千乘成國之賦也明堂位

魯人三郊三遂

國外曰郊郊外曰遂天子六軍則六鄉六遂太國三軍故魯三

郊三遂也

費誓

公車千乘朱英綠滕二矛重弓公徒

三萬貝胄朱綬烝徒增增

千乘大國之賦也成方十里出革車一乘甲士

三人左持弓右持矛中人御步卒七十二人將重車者二十五人千乘之地則三百十六里有奇也朱英所以飾矛綠滕所以約弓也二矛夾矛酋矛也重弓備折壞也徒步卒也三萬舉成數也車千乘法當用十萬人而為步卒者七萬二千人然大國之賦適滿千乘苟盡用之是舉國而行也故其

用之大國三軍而已三軍為車三百七十五乘三萬七千五百人其為步卒不過二萬七千人舉其中而以成數言故曰三萬也貝冑貝飾冑也朱綬所以綴也增增衆也魯頌閟宮戎公

元年三月作丘甲

周禮九夫為井四井為邑四邑為丘丘十六井出戎馬一匹牛

三頭四丘為甸甸六十四井出長轂一乘戎馬四匹牛十二頭甲士三人步卒七十二人此甸所賦今魯使丘出之為齊難故作丘甲前年魯乞師於譏重斂故書為齊難故作丘甲楚欲以伐齊楚

師不出故懼而作丘甲春秋左氏傳

襄公十一年春王正月作

三軍

增立中軍萬二千五百人為軍

季武子將作三軍

魯本無中軍唯上下

二軍皆屬於公有事三卿更帥以征伐季氏欲專其民人故假立中軍因以改作告叔孫

穆子曰請為三軍各征其軍

征賦稅也三家各征其軍之家屬穆

子曰政將及子子必不能

政者霸國之政令禮大國三軍魯次國而為大

國之制貢賦必重故憂不能堪

武子固請之穆子曰然則盟諸

穆子

知季氏將復變易故盟之

乃盟諸僖閔

僖宮之門

詛諸五父之衢

五父

衢道名在魯國東南詛以禍福之言相要

正月作三軍三分公室而各

有其一

三分國民衆

三子各毀其乘

壞其軍乘分以足成三軍

季氏

使其乘之人以其役邑入者無征

使軍乘之人率其邑役入季氏

者無公征

不入者倍征

不入季氏者則使公家倍征之設利病欲驅使入已故昭五年

傳曰季氏盡征之民孟氏使半為臣若子若弟取其

辟倍征故盡屬季氏子弟之半也四分其乘之人以三歸公而取其一叔孫氏使盡為臣盡取子弟

以其父兄歸公不然不舍制軍分民不如是則三家不舍其故而改作也此蓋三家盟詛

之本言春秋左氏傳春季武子為三軍為作也武子魯卿季文子之子季孫

夙也周禮天子六軍諸侯大國三軍魯伯禽之封舊有三軍其後削弱二軍而已武子欲專公室故

益中軍以為三三家各征其一事在魯襄十一年叔孫穆子曰不可天子

作師公帥之以征不德師謂三軍之衆也公謂諸侯為王卿士者也周禮軍

將皆命卿詩云周公東征周公時為元侯作師卿二伯而東征則亦上公為元帥也

帥之以承天子

元侯大國之君也師三軍之衆也大國三卿皆命於天子承天子謂

從王師征不義也孔子曰天下有道則禮樂征伐自天子出

諸侯有卿無軍帥

教衛以贊元侯

諸侯謂次國之君也有卿有命卿也二卿命於天子一卿命於其君

無軍無三軍也若元侯有事則令卿帥其所教武衛之士以佐元侯禮所謂次國二軍小國一軍謂

以賦出軍從征伐也贊佐也

自伯子男有大夫無卿

無卿無命卿也王制

曰小國二卿皆命於其君帥賦以從諸侯

賦國中出兵車甲士以從大國諸侯也

是以上能征下下無姦慝

征正也今我小侯也

言小

侯者削弱之日久矣

處大國之間

大國齊楚也

繕貢賦以共從者

猶懼有討

猶懼以不給見誅討也

若為元侯之所

之所謂作三軍元侯

所以為以怒大國無乃不可乎弗從遂作中軍

言中者明已有

上下軍也

自是齊楚代討於魯

代更

襄昭皆如楚

襄昭

昭公也如楚朝事楚也事在襄二十九年昭七年國語魯語

作三軍非正也

昭五年經曰舍中軍傳曰貴復正也然則魯有二軍今云作三軍增置中軍爾魯為次國於此為明

穀梁傳

昭公五年春王正月舍中軍卑公室也

罷中

軍季氏稱左師孟氏稱右師叔孫氏則自以叔孫為軍名

毀中軍于施氏成諸

臧氏

季氏不欲親其議勅二家會諸大夫發毀置之計又取其令名

初作中軍三

分公室而各有其一

三家各有一軍家屬

季氏盡征之

無所入於

公叔孫氏臣其子弟

以父兄歸公

孟氏取其半焉

復以子弟

之半歸公

及其舍之也四分公室季氏擇二

簡擇取二分

二

子各一皆盡征之而貢於公

國人盡屬三家三家隨時獻公而已春

秋左氏傳

舍中軍貴復正也

魯次國舊二軍襄十一年立三軍今毀之故曰

復正穀梁傳

八年秋大蒐于紅自根牟至于商衛革

車千乘

言千乘明大蒐且見魯衆之大數也左氏傳

哀公十二年春

用田賦

詳見通禮財賦篇已上魯兵制

齊桓公曰定民之居

若何管子對曰制國以為二十一鄉桓公曰善管

子於是制國以為二十一鄉

二千家為一鄉二十鄉凡四萬二千家

此管仲所制非周法也

工商之鄉六

工商各三也二

士鄉十

五

唐尚書云士與農共十五鄉昭謂此士軍士也十五鄉合三萬人是為三軍農野處而不暱不

在都邑之數則下

公帥五鄉焉

五鄉萬人是謂中軍公所帥也

國

子帥五鄉焉高子帥五鄉焉

國子高子皆齊上卿各帥五鄉為左右軍

也詳見通禮政事上篇

桓公曰吾欲從事於諸侯其可乎

行欲

伯道討不義也

管子對曰未可君若正卒伍脩甲兵

周禮人

為伍伯人為卒今管子亦以五人為伍而以二百人為卒則大國亦將正卒伍

脩甲兵則難以速得志矣君有攻伐之器小國諸

侯有守禦之備則難以速得志矣君若欲速得志

於天下諸侯則事可以隱令可以寄政

事戎事也隱匿也寄

託也匿軍令託於國政若有征伐鄰國不知也

桓公曰為之若何管子曰

作內政而寄軍令焉

內政國政也因治政以寄軍令也

桓公曰善

管子於是制國五家為軌軌為之長

軌中一人為之長也十

軌為里里有司

為立有司

四里為連連為之長十連為

鄉鄉有良人焉

賈侍中云良人鄉士也昭謂良人鄉大夫也

以為軍令

為軍掌令

五家為軌故五人為伍軌長帥之

居則為軌出則為伍

所謂寄政也

十軌為里故五十人為小戎里有司帥之

小戎兵車也此有司之所乘故曰小戎詩云小戎伐汝古者戎車一乘步卒七十二人今齊五十人

四里為連故二百人為卒連長帥之十連為鄉故

二千人為旅鄉良人帥之五鄉一帥故萬人為一

軍五鄉之帥帥之

五鄉每一軍為五鄉也鄉帥鄉也萬人為軍齊制也周則萬二

千五百人為軍帥長也

三軍故有中軍之鼓有國子之鼓有

高子之鼓春以獐振旅

春田曰獐振整也旅衆也周禮仲春教振旅遂以獐

也田秋以獮治兵

秋田曰獮周禮仲秋教治兵遂以獮田也

是故卒伍整

於里軍旅整於郊內教既成令勿使遷徙

遷徙猶改更也

伍之人祭祀同福死喪同恤

恤憂也

禍災共之人與

人相疇家與家相疇

疇匹也

世同居少同游故夜戰

聲相聞足以不乖晝戰目相視足以相識其歡欣

足以相死

致死以相救也

居同樂行同和死同哀是以守

則同固戰則同彊君有此士也三萬人以方行於

天下

方猶橫也

以誅無道以屏周室

屏猶蕃也

天下大國之

君莫之能禦也

禦當也齊語

齊有革車八百乘

賈侍中云

謂一國之賦八百乘也乘七十五人凡甲士六萬人昭謂此周制耳齊法五十人為小戎車八百乘有四萬人又上管仲制齊為三軍軍萬人下又曰君有是士三萬人以方行於天下而車數多者其副貳陪從之車乎或

者八當為六

同上

齊侯伐衛先驅穀榮御王

孫揮召揚為右

先驅前鋒軍

申驅成秩御莒恒申鮮虞

之傅摯為右

申驅次前車傅摯申鮮虞之子

曹開御戎晏父戎為

右

公御右也

貳廣上之登御邢公盧蒲癸為右

貳廣公副軍

啟牢成御襄罷師狼遽疏為右

左翼曰

肱商子車御

侯朝桓跳為右

右翼曰

大殿商子游御夏之御寇崔

如為右

大殿後軍

燭庸之越駟乘

四人共乘殿車也傳具載此言莊公廢舊

臣任武力

已上齊兵制

王使虢公命曲沃伯

以一軍為晉侯

曲沃武公遂并晉國僖王因就命為晉侯小國一軍莊十六年左

氏傳

晉獻公十六年公作二軍

獻公十六年魯閔之元年魯嚴十六

年王命晉武公以一軍為晉侯至此初作二軍軍有上下

公將上軍太子將下

軍士為言於公曰夫太子君之貳也而帥下軍無

乃不可乎公曰下軍上軍之貳也寡人在上申生

在下不亦可乎士為對曰下不可以貳上

猶足不可以貳

手也手足左右各自為貳也

故古之為軍也軍有左右闕從補

之

左右左右部也闕缺也

成而不知是以寡敗

不知敵不知有闕也

若

以下貳上闕而不變敗弗能補也

變更也

變非聲章

弗能移也

聲金鼓也章旌旗也移動也

聲章過數則有釁有釁

則敵入

釁隙也軍法進退旗鼓有數過數則有隙敵見隙而犯已

敵入而凶救

敗不暇誰能退敵

凶猶凶恐懼也退卻也

敵之如志國之憂

也可以陵小難以征大

以下軍貳上可以侵陵小國難以征伐大國也

晉

語

秦獲晉惠公呂甥曰征繕以輔孺子

征賦也繕治也

孺子大子圉

庶有益乎衆說晉於是乎作州兵

五黨為州州二

千五百家也因此又使州長各繕甲兵

僖十五年左氏傳

晉文公蒐于被

廬

晉常以春蒐禮改政令敬其始也被廬晉地

作三軍

閔元年晉獻公作二軍今復大

國之禮使卻穀將中軍卻溱佐之使狐偃將上軍讓

於狐毛而佐之

狐毛偃之兄

使欒枝將下軍先軫佐之

僖二十七年左氏傳

戰於城濮晉軍七百乘韞鞞鞅鞞

五萬

二千五百人在背曰韜在胃曰韜在腹曰韜在後曰韜言駕乘脩備 傳二十八年在氏傳

晉侯作三行以禦狄荀林父將中行屠擊將右行

先穀將左行

晉置上中下三軍今復增置三行以辟天子六軍之名三行無佐疑大夫

帥 同上
年左氏傳

晉蒐于清原作五軍以禦狄

二十八
年晉作

三行今罷之更為上下新軍河東聞喜
縣北有清原 傳三十一年左氏傳

晉蒐于

夷舍二軍

傳三十一年晉蒐清原作五軍今舍二軍復三軍之制夷晉地前年四卿卒故

蒐以謀軍帥

文六年在氏傳

晉作六軍

為六軍僭王也萬

韓

厥趙括鞮朔韓穿荀騅趙旃皆為卿

韓厥為新中
軍趙括佐之

鞏朔為新上軍韓穿佐之荀驩為新下軍趙旃佐之晉舊自有三軍今增此故為六軍成三年左

氏傳

戰于鄆陵卻至佐新軍

於是卻鞏代趙旃將新軍新上下軍罷矣

成十六年左氏傳

晉侯蒐於緜上以治兵

為將命軍帥也必蒐而命

之所以新軍無帥將佐與眾共

晉侯難其人使其什吏率

其卒乘官屬以從於下軍禮也

得慎舉之禮襄十三年左氏傳

晉師歸自伐秦晉侯舍新軍禮也成國不過半

天子之軍

成國大國

周為六軍諸侯之大者三軍可也

於是新軍無帥故舍之

襄十四年左氏傳

楚為啟彊曰

韓賦七邑皆成縣也

成縣賦百乘也

羊舌四族皆彊家也

四族銅鞮伯華叔向叔魚叔虎兄弟四人

十家九縣

韓氏七羊舌氏四而言十家舉大數

也羊舌四家共二縣故但言彊家

長穀九百

長穀戎車也縣百乘

其餘四十

縣遺守四千

計遺守國者尚有四千乘昭五年左氏傳

晉治兵于

邾南甲車四千乘

三十萬人

遂合諸侯于平丘

昭十三年左氏

傳已上

楚武王荆尸授師子焉以伐隨

尸陳也荆

亦楚也更為楚陳兵之法揚雄方言子者戟也然則楚始於此參用戟為陳莊四年左氏傳

楚子使子玉去宋曰無從晉師子玉請戰王怒少

與之師唯西廣東宮與若敖之六卒實從之

楚有左右

廣又大子有宮甲分取以給之若敖楚武王之祖父葬若敖者子玉之祖也六卒子玉宗人之兵六

百人言不悉師以益之

子玉以若敖之六卒將中軍子西將

左子上將右戰於城濮楚師敗績

僖二十八年左氏傳

隨

武子曰楚為敖為宰擇楚國之令典

宰令尹為敖孫叔敖

軍

行右轅左追蓐

在車之右者挾轅為戰備在左者追求草蓐為宿備傳曰令尹南轅

又曰改乘轅楚陳以轅為主

前茅慮無

慮無如今軍行前有斥候蹋伏皆持以絳及白

為幡見騎賊舉絳幡見步賊舉白幡備慮有無也茅明也或曰時楚以茅為旌識

中權後

勁

中軍制謀後以精兵為殿

百官象物而動軍政不戒而備物

猶

類也戒勅令

樂武子曰其君之戎分為二廣

君之親兵

廣有一

卒卒偏之兩

十五乘為一廣司馬法百人為卒二十五人為兩車十五乘為大偏今廣

十五乘亦用舊偏法復以二十五人為承副

右廣初駕數及日中左則

受之以至于昏

宣十二年左氏傳

楚子為乘廣三十乘

分為左右右廣鷄鳴而駕日中而說

說舍也

左則受

之日入而說邲之戰王乘左廣遂出陳工尹齊將

右拒卒以逐下軍

工尹齊楚大夫右拒陳名

使潘黨率游闕四

十乘

游車補闕者

從唐侯以為左拒以從上軍王見右

廣將從之乘屈蕩尸之曰君以此始亦必以終尸

軍中易乘則恐軍人惑

自是楚之乘廣先左

以乘左得勝故同上年左氏

傳

楚為掩為司馬子木使庀賦

庀治

數甲兵

閱數之

為掩書土田度山林鳩數澤辨京陵表淳鹵數疆

潦規偃豬町原防牧隰臯井衍沃

注見通禮井田篇

量入

脩賦

量九土之所入而治理其賦稅

賦車籍馬

籍疏其毛色歲齒以備軍用

賦

車兵

車兵甲士

徒兵

步兵

甲楯之數

使器械有常數

既成以授子

木禮也

得治國之禮傳言楚之所以興襄二十五年左氏傳

楚子使然

丹簡上國之兵於宗丘且撫其民

上國在國都之西西方居上流

故謂之上國

分貧振窮

分與也振救也

長孤幼養老疾收介特

介特單身民也收養不使流散

救災患有孤寡

寬其賦稅

赦罪戾詰姦

慝

詰責問也

舉淹滯

淹滯有才德而未效者

禮新叙舊

新羈旅也

祿勲

合親

勲功也親九族

任良物官

物事也

使屈罷簡東國之兵

於召陵

兵在國都之東者

亦如之

如然丹氏傳

昭十四年左已上楚兵制

王以諸侯伐鄭鄭伯禦之鄭子元請為左拒以

當蔡人衛人

拒方陳

為右拒以當陳人曼伯為右拒

祭仲足為左拒原繁高渠彌以中軍奉公為魚麗

之陳先偏後伍伍承彌縫

司馬法車戰二十五乘為偏以車居前以伍次

之承偏之隙而彌縫闕漏也五人為伍此蓋魚麗陳法

戰于緇葛

緇葛鄭地命二

拒曰旂動而鼓

旂旂也通帛為之蓋今大將之麾也執以為號令

王卒大

敗

桓五年左氏傳

鄭子產作丘賦

丘十六井當出馬一匹牛三頭令子產別

賦其田如魯之田賦

國人謗之子產曰苟利社稷死生以之

以用

渾罕曰國氏其先亡乎君子作法於涼其敝

猶貪

涼薄也

作法於貪敝將若之何

言不可久行昭四年左氏傳

鄭兵制

已上

楚申公巫臣適晉請使於吳吳子壽夢

說之乃通吳於晉

壽夢季札父

以兩之一卒適吳舍偏

兩之一馬

司馬法百人為卒二十五人為兩車九乘為小偏十五乘為大偏蓋留九乘車

及一兩二十五人令吳習之

與其射御教吳乘車教之戰陳教

之叛楚

前是吳常屬楚

吳是以始大通吳於上國

上國諸夏成

七年左氏傳

吳王夫差會晉公午于黃池

事在魯哀十三年

昏乃戒令秣馬食士夜中乃令服兵擐甲

夜中夜半也服

執也探貫也甲鎧也

係馬舌出火竈

係縛也縛馬舌恐有聲也出火於竈外以自燭

陳士卒百人以為徹行百行

徹通也以百人通為一行百行為萬人謂

之方

陳行頭皆官帥攤鐸拱稽

攤即攤字官帥大夫也昭謂下言十行一

嬖大夫此一行宜為士周禮百人為卒卒長皆上士攤抱也拱執言抱鐸者亦恐有聲也唐尚書云稽檠戟也鄭後司農以為稽計兵民籍也周禮聽師田以簡稽建肥胡奉文犀之

渠

肥胡幡也文犀之渠謂楯也文犀犀之有文理者

十行一嬖大夫

十行人

嬖下大夫也子產謂子南曰子皙上大夫汝嬖大夫

建旌提鼓

折羽為旌提挈也挾

經秉枹

在掖曰挾經兵書也秉執也

十旌一將軍

十旌萬人也將軍命卿也

載常建鼓挾經秉柅

日月為常鼓晉鼓也周禮將軍執晉鼓建謂為之楹而樹

之為萬人以為方陳

百行故曰萬人正四方也

皆白常白旂素

甲白羽之矐望之如荼

交龍為旂素甲白甲也矐矢名以白羽為衛荼茅秀

也

王親秉鉞載白旗以中陳而立

熊虎為旗此王所御中軍

左

軍亦如之

亦如中軍載常建鼓挾經秉柅之屬

皆赤常赤旗丹甲朱

羽之矐望之如火

鳥隼為旗尚赤左陽也丹彤也朱羽染為朱色

右軍亦

如之皆玄常玄旗黑甲烏羽之矐望之如墨

黑漆甲也

尚黑右陰也

為帶甲三萬

帶甲三萬

以勢攻雞鳴乃定

吳語已

上吳兵制

越王勾踐伐吳中分其師以為左右軍以

其私卒君子六千人為中軍

私卒君子王所親近有志行者猶吳所謂

賢良齊所謂士也

吳語此條越兵制

王法年二十受兵何重不

絕人嗣也師行不必勝故須其有世嗣年六十歸

兵者何不忍並鬪人父子也

白虎通

宮正掌王宮之戒令糾禁以時比宮中之官府次舍之

衆寡

時四時比校次其人之在否官府之在宮中者若膳夫王府內宰內史之屬次諸吏直宿若今部署

諸廬者舍其所居守

為之版以待

版其人之名籍待待戒令及比

夕擊柝而比之

夕莫也莫行夜以比直宿者為其有懈
情離部署鄭司農云析戒守者所擊也

國有故則令宿

其比亦如之

鄭司農云故謂禍灾令令宿衛王宮春秋傳曰忘守必危况有災乎玄謂故凡非常

也文王世子曰公出疆之政庶子以公族之無事者
守於公宮正室守大廟諸父守貴宮貴室諸子諸孫守
下宮下室此謂諸侯也王之庶子職掌國子之倅國有
大事則帥國子而致於天子唯所用之者令宿之事蓋
亦存焉會其什伍而教之道藝五人為伍二伍為什會之
者使之輩作輩學相勸帥

且寄宿衛之令
詳見通禮內治篇

凡邦之大事令于王宮之官府次舍

無去守而聽政令

使居其處待
所為天官

宮伯掌王宮之士庶

子凡在版者

鄭司農云庶子宿衛之官版名籍也以版為之今時鄉戶籍謂之戶版玄謂王宮之

士謂王宮中諸吏之適子也庶子其支庶也

掌其政令行其秩叙作其徒役

之事

秩祿廩也叙才等也作徒役之事大子所用

授八次八舍之職事

衛王宮者

必居四角曰中於徽候便也鄭司農云庶子衛王宮在內為次在外為舍玄謂次其宿衛所在舍其休沐之處

若邦有大事作宮衆則令之

謂王宮之士庶子於邦有大事或選當行月終

則均秩歲終則均叙以時頒其衣裘掌其誅賞

頒讀為班班布

也衣裘若今賦

小司徒大故致餘子

大故謂災寇也鄭司農云餘子謂羨

冬夏衣

同上

也玄謂餘子卿大夫之子當守於王宮者也地官已上官吏士庶子之衛

虎賁氏掌先

後王而趨以卒伍

王出將虎賁士居前後雖羣行亦有局分

軍旅會同亦如

之舍則守王闕

舍王出所止宿處闕桎桓

王在國則守王宮

為周國衛

有大故則守王門大喪亦如之

非常之難要在門

適四方使則

則從士大夫

虎士從使者

若道路不通有徵事則奉書以使

於四方

不通逢兵寇若泥水奉書徵師役也春秋隱七年冬戎伐凡伯于楚丘以歸虎士八百人見

通禮設官上篇夏官

旅賁氏掌執戈盾夾王車而趨左八人

右八人車止則持輪

夾王車者其下士也下士十有六人中士為之帥焉

凡祭祀

會同賓客則服而趨

服而趨夾王車趨也會同賓客王亦齊服服袞冕則此士之齊服服

玄喪紀則褻葛執戈盾

葛葛經武士尚輕

軍旅則介而趨

介被甲

同上

天子有虎賁習武訓諸侯有旅賁禦災害

訓教也虎賁掌

先後王而趨舍則守王閑在國則守宮門所以習武教也禦禁也旅賁掌執戈盾夾車而趨車止則持輪所以

備非常禁災害也

國語魯

語已上虎賁旅賁之衛

師氏使其屬帥四夷之

隸各以其兵服守王之門外且蹕

兵服旃布弓劍不同也門外中門之外蹕

止行人不得迫王宮也故書隸或作肆鄭司農云讀為隸

朝在野外則守內列

內列藩營

之在內者也其屬亦帥四夷之隸守之如守王宮

地官

保氏使其屬守王闥

闥宮

中之巷門

司隸掌五隸之法辨其物而掌其政令

五

同上

謂罪隸四翟之隸也物衣服兵器之屬

掌帥四翟之隸使之皆服其邦之

服執其邦之兵守王宮與野舍之屬禁

野舍王者所止舍也屬遮列也

官秋

罪隸其守王宮與其屬禁者如蠻隸之事

今按此文

當屬閩隸

蠻隸其在王宮者執其國之兵以守王宮在野

外則守屬禁

閩隸

今按此職當有其守王宮與其屬禁者如蠻隸之事十四字誤脫在

罪隸之下

夷隸其守王宮者與其守屬禁者如蠻隸之事

貉隸其守王宮者與其守屬禁者如蠻隸之事

並同上

已上夷翟四隸之衛

右衛兵 武王戎車三百乘虎賁三百人與受戰

于牧野

書序

孟子作

裨冕搢笏而虎賁之士

說劔也

裨冕衣裨衣而冠冕也裨衣衮之屬也搢猶插也賁憤怒也

樂記 周公

戒于王曰王左右常伯常任準人綴衣虎賁周公

曰嗚呼休茲知恤鮮哉

言五等官職之美而知憂其得人者少也虎賁周禮

之虎賁氏也

文王武王虎賁綴衣庶常吉士

言在文武之廷無非

常德吉士也立政

成王不懌乃同召太保奭芮伯彤伯

畢公衛侯毛公師氏虎臣百尹御事

同召六卿下至御治事者

師氏大夫官虎臣虎賁士

王崩太保命仲桓南宮毛俾爰齊侯

呂伋以二千戈虎賁百人逆子釗於南門之外延

入翼室恤宅宗

桓毛二臣名伋太公望子為天子虎賁氏太保以冢宰攝政命桓毛

二臣使齊侯呂伋以二千戈虎賁百人逆太子釗於路寢門外引入路寢翼室為憂居宗主也二

人崔弁執惠立于畢門之內四人綦弁執戈上刃

夾兩階祀一人冕執劉立于東堂一人冕執鉞立

于西堂一人冕執戣立于東垂一人冕執瞿立于

西垂一人冕執銳立于側階

弁士服崔弁赤色弁也綦弁以文鹿子皮

為之惠三隅矛路寢門一名畢門上刃刃外嚮也
堂廡曰祀冕大夫服劉鉞屬戣瞿皆戟屬銳當作

銑說文曰銑侍臣所執兵從金允聲周書曰一人冕執鈇讀若允東西堂路寢東西廂之前堂也東西垂路寢東西序之階上也側階北陛之階上也呂氏曰古者執戈戟以宿衛王宮皆士大夫之職無事而奉燕私則從容養德而有膏澤之潤有事而司禦侮則堅明守義而無腹心之虞下及秦漢陸楯執戟尚餘一二此制既廢人主接士大夫者僅有視朝數刻而周廬陸楯或環以椎埋囂悍之徒有志於復古者當深繹也

顧命

晉文公獻楚俘於王王策命

晉侯為侯伯賜之虎賁三百人

僖二十八年左氏傳

秦伯

送衛於晉三千人實紀綱之僕

新有呂卻之難國未輯睦故以兵衛

文公諸門戶僕隸之事皆秦卒共之

楚穆王立

潘崇為大師且掌環列之尹

環列之尹宮衛之官
列兵而環王宮文

元年左

氏傳

大司馬中春教振旅平列陳如戰之陳若大師及戰巡

陳眡事而賞罰

事謂戰功
也夏官

右陳法

風后握機文曰天陳地陳風陳雲陳虎

翼陳蛇蟠陳飛龍陳鳥翔陳八陳四為正四為奇

公孫弘曰世有八卦陳法其中既不
用奇正似非風后所傳未可參用

餘奇為握奇

或總稱之先出遊軍定兩端天有衝圓地有軸前後

有衝風附於天雲附於地衝有重列各四隊前後
之衝各二隊風居四維故有圓軸單列各三隊前
後之衝各三隊雲居四角故有方天居兩端地居
中間總為八陳陳訖遊軍從後躡敵或驚其左或
驚其右聽音望麾以出四奇天地之前衝為虎翼
風為蛇蟠圍繞之義也虎居於中張翼以進蛇居
兩端向敵而蟠以應之天地之後衝為飛龍雲為
鳥翔突擊之義也龍居於中張翼以進鳥掖兩端

向敵而翔以應之虛實二壘皆逐天文氣候向背
山川利害隨時而行以正合以奇勝金鼓旌旗數
角音二初警衆末收衆革音五一持兵二結陳三
行四趨走五急鬪金音五一緩鬪二止鬪三退四
背五急背魔法五一玄二黃三白四青五赤旗法
八一天玄二地黃三風青四雲白五天前上玄下赤六
天後上玄下白七地前上玄下赤八地後上黃下青二革二金為
天三革三金為地二革三金為風三革二金為雲

四革三金為龍三革四金為虎四革五金為鳥五
革四金為蛇此八陳各用金鼓之制其金革之間
加一角音者在天為蕪風在地為蕪雲在龍為蕪
鳥在虎為蕪蛇加二角音者全師進東加三角音
者全師進南加四角音者全師進西加五角音者
全師進北鞞音不止者行伍不整金革既息而角
音不止者師並旋三十二隊天衝八隊天前衝八
隊天後衝十六隊風二十四隊地軸十二隊地前

衝十二隊地後衝十六隊雲以天地前衝為虎翼
天地後衝為飛龍風為蛇蟠雲為翔鳥天地以下

八重以列或曰握機望敵即引其後以掎角前列

不動

公孫弘曰傳項氏陳沘依此而前列先進以次之

或合而為一因離

而為八各隨師之多少觸類而長天或圓布不動

前為右後為左天地四望之屬是也天居兩端其

次風其次雲左右相向是也

公孫弘曰此為靜

地方布風

雲各在前後衝之前天居兩端其次地居中間兩

地為北是也

公孫弘曰此為動為從天陳變為地陳或即張形布軌破敵攻圍不定其

形故為動也

縱布天一天二次之縱布地四次於天後

縱布四風挾天地之左右天地前衝居其右後衝

居其左雲居兩端虛實二壘則此是也

公孫弘曰人多傳韓

信註釋天或圓布以下與此微有差異而范蠡樂毅之說相雜今亦錯綜於其中其部隊或三或五或三十或五十陳之如此變通由人一本自或五十以下云變通之理寄之明哲不復脩載近古以來其文不滿尺多憑口訣以相傳授予今於難解之處增字以發明之
握機經朱子曰按此法六十四陳天衡十六陳居兩端地軸十二陳居中問天前衝四陳居右後衝四陳居左地前衝六陳

居前後衝六陳居後風八陳附天雲八陳附地合
為八陳天衝并前後衝二十四陳合風八陳為三
十二陽地軸并前後衝二十四陳合雲八陳為三
十二陰遊軍二十四陳在六十四陳之後凡行軍
結陳合戰設疑補闕全在遊兵天地之前衝為虎
翼風為蛇蟠兵家先陰以右為前又風從虎虎與
蛇皆陰類同位西北也天地之後衝為飛龍雲為
鳥翔兵家後陽以左為後又雲從龍龍與鳥皆陽
類同位東南也以天地風雲為四正以龍虎與蛇
為四奇所謂八陳也每以二陳相從一陳之中又
有兩陳一戰一守故又有三十二隊天衝二十四
隊地軸等數也中外有輕重之權陰陽有剛柔之
節彼此有虛實之地主客有先後之數輕重之權
剛柔之節者家計也以實擊虛以先奪後者合變
也我易而敵常險我簡而敵常繁兵法
所謂致人而不致於人此其機要也

王以諸

侯伐鄭鄭伯禦之為魚麗之陳先偏後伍伍承彌

縫

詳見民兵章

楚子田孟諸宋公為右孟鄭伯為左

孟

孟田獵陳名

期思公復遂為右司馬

復遂楚期思邑公

子朱

及文之無畏為左司馬

將獵張兩甄故置二左司馬然則右司馬一人當中

央文十年左氏傳

晉中行穆子敗無終及羣狄于大原

無終山戎崇卒也

崇聚也

將戰魏舒曰彼徒我車所遇又

阬

地險不便車

以什共車必克

更增十人以當一車之用

困諸阬又

克

車每困於阬道今去車故為必克

請皆卒

去車為步卒

自我始乃毀

車以為行

魏舒先自毀其屬車為步陳

五乘為三伍

乘車者車三人五乘

十五人今改去車更以五人為伍分為三伍

荀吳之嬖人不肯即卒斬

以徇

魏舒輒斬之荀吳不恨所以能立功

為五陳以相離兩於前五

於後專為右角參為左角偏為前拒

皆臨時處置之名

以

誘之翟人笑之

笑其失常

未陳而薄之大敗之

傳言荀吳能用

善謀

昭元年左氏傳

公子城以晉師救宋與華氏戰于

赭兵鄭翩願為鸛其御願為鶩

鄭翩華氏黨鸛鶩皆陳名

昭二十年左

氏傳

禮書綱目卷四十八

欽定四庫全書

禮書綱目卷四十九

婺源江永撰

武備

軍禮二

補

夏后氏尚黑戎事乘驪

戎兵也馬黑色曰驪爾雅曰駉牝驪牡玄

殷人尚白

戎事乘翰

翰白色馬也易曰白馬翰如

周人尚赤戎事乘騂

騂駉白腹

禮

夏小正四月執陟攻駒五月頒馬

大戴禮

校人掌

王馬之政

政謂差擇養乘之數也月令曰班馬政

辨六馬之屬種馬一物

戎馬一物齊馬一物道馬一物田馬一物駕馬一物

種謂

上善似母者以次差之玉路駕種馬戎路駕戎馬金路駕齊馬象路駕道馬田路駕田馬駕馬給宮中之役

凡頒良馬而養乘之乘馬一師四圉三乘為阜阜一趣

馬三阜為繫繫一馭夫六繫為廢廢一僕夫六廢成校

校有左右駕馬三良馬之數麗馬一圉八麗一師八師

一趣馬八趣馬一馭夫

良善也善馬五路之馬鄭司農云四匹為乘養馬為圉故春秋

傳曰馬有圉牛有牧玄謂二耦為乘師趣馬馭夫僕夫帥之名也趣馬下士馭夫中士則僕夫上士也自乘至廢其數二百一十六匹易乾為馬此應乾之策也至校變為言成者明六馬各一廢而王馬小備也校有左右

則良馬一種者四百三十二匹五種合二千一百六十匹
駑馬三之則為千二百九十六匹五良一駑凡三千
四百五十六匹然後王馬大備詩云駉牝三千此謂王
馬之大數與麗耦也駑馬自國至馭夫凡馬千二十四
匹與三良馬之數不相應八皆宜為六字之誤也師十
二匹趣馬七十二匹則馭夫四百三十二匹然後而三
之既三之無僕夫者天子十有二閑馬六種邦國六閑
不駕於五路卑之也

馬四種家四閑馬二種

降殺之差每廐為一閑諸侯有齊馬道馬田馬大夫有田馬各

一閑其駑馬則皆分為三馬

凡馬特居四之一

欲其乘之性相似也物同氣則心一鄭司

農云四之一者三牝一牡

春祭馬祖執駒

馬祖天駟也孝經說曰房為農馬鄭司農云執駒無

令近母猶攻駒也二歲曰駒三歲曰駉玄謂執猶拘也春通淫之時駒弱血氣未定為其乘匹傷之夏祭

先牧頌馬攻特

先牧始養馬者其人未聞夏通淫之後攻其特為其蹄齧不可乘用鄭司農云

攻特謂驂之

秋祭馬社臧僕

馬社始乘馬者世本作曰相土作乘馬鄭司農云臧僕謂簡練

馭者今皆善也玄謂僕馭五路之僕

冬祭馬步獻馬講馭夫

馬步神為災害馬者獻馬

見成馬於王也馭夫馭貳車從車使車者講猶簡習

凡大祭祀朝覲會同毛馬而

頌之

毛馬齊其色也頌授當乘之

凡軍事物馬而頌之

物馬齊其力

等馭

夫之祿

馭夫於趣馬僕夫為中舉中見上下

宮中之稍食

師圉府史以下也鄭司農云稍

食曰廩

夏官

趣馬掌贊正良馬而齊其飲食簡其六節

贊佐

也佐正者謂校人臧僕講馭夫之時簡差也節猶量也差擇王馬以為六等

掌駕說之頌

用馬

之第
次

辨四時之居治以聽馭夫

居謂牧所處治謂執
駒攻持之屬同上

巫馬掌養疾馬而乘治之相醫而藥攻馬疾受財於

校人

乘謂驅步以發其疾知
所疾處乃治之相助也

馬死則使其賈粥之入其

布于校人

布泉也鄭司農云賈謂其屬官
小吏賈一人粥賣也同上

牧師掌牧

地皆有厲禁而頒之

頒馬授圉者所牧處孟春焚牧焚牧地以除
陳生新草也

中春通淫

中春陰陽交萬物生之時可以合馬之牝牡
也月令季春乃合累牛騰馬遊牝于牧秦時

書也秦地寒
涼萬物後動

掌其政令

同上

廋人掌十有二閑之政教

以阜馬佚特教駢攻駒及祭馬祖祭閑之先牧及執駒

散馬耳

九者皆有政教馬阜盛壯也詩云四牡孔阜杜子春云佚當為逸鄭司農云馬三歲曰駝二歲

曰駒散讀為中散大夫之散謂駝馬耳母令善驚也玄謂逸者用之不使甚勞安其血氣也教駝始乘習之也攻駒驟其蹄齧者閑之先牧先牧制閑者散馬耳以竹括押其耳頭動搖則括中物後遂串習不復驚 正

校人員選

校人謂師團也正員選 馬八尺以上為龍七

尺以上為駉六尺以上為馬

大小異名爾雅曰駉牝牡玄駒牡駉鄭司農云以

月令曰駕蒼龍同上

圉師掌教圉人養馬春除蓐釁廄始牧

夏房馬冬獻馬茨牆則翦闔

釐馬茲也馬既出而除之新釁馬神之也春秋傳曰

凡馬日中而出日中而入故字房為訐鄭司農云當為房玄謂房廄也廄所以庇馬者也茨蓋也闔苦也翦闔

圉人所習
也同上

圉人掌養馬芻牧之事以役圉師役者圉師使令

馬同上

蠻隸掌役校人養馬秋官

馭夫掌馭貳車從車使

車

二車象輅之副也從車戎路田路之副也使車驅逆之車

分公馬而駕治之乘調六種

之馬
夏官

馬質掌質馬馬量三物一曰戎馬二曰田馬

三曰駑馬皆有物賈

此三馬賈以給官府之使無種也鄭司農云皆有物賈皆有物色及

賈網惡馬

鄭司農云網讀為以亢其讎之亢書亦或為亢亢御也禁也禁去惡馬不畜也玄謂網以

廉索維網
狎習之

凡受馬於有司者書其齒毛與其賈馬死則

旬之內更旬之外入馬耳以其物更其外否

鄭司農云更謂償也

玄謂旬之內死者償以齒毛與賈受之日淺養之惡也
旬之外死入馬耳償以毛色不以齒賈任之過其任也
其外否者旬之外踰二十馬及行則以任齊其行識其所載
日而死不任用非用者罪
輕重及道里齊其
勞逸乃復用之
若有馬訟則聽之訟謂賣買之言相負禁原蠶

者原再也天文辰為馬蠶書蠶為龍精月直大火則浴其種是蠶與馬同氣物莫能兩大禁再蠶者為傷馬

與上

季春乃合累牛騰馬遊牝于牧

累騰皆乘匹之名是月所合牛

馬謂繫在廄者其牝欲遊則就牧之牡而合之

犧牲駒犢舉書其數

以在牧而校數書之

明出時無他故至秋當錄

仲夏游牝別羣

孕妊之欲止也

則繫

騰馬為其壯氣有餘相蹄齧也

班馬政

馬政謂養馬之政教也庾人職曰掌十有二閑之政教以

卓馬佚特教馳攻駒
此之謂也月令

大宰以九式均節財用七日芻

秣之式

芻秣養牛馬禾穀也天官

四郊之賦以待稍秣

待猶給也稍秣

即芻秣也謂之稍稍用之物也天官大府

右馬

民馬見兵制篇

王來自商至于豐乃偃武脩文歸

馬于華山之陽放牛於桃林之野示天下弗服

南山

曰陽桃林今華陰縣潼關也武成

秦之先有造父以善御得幸

於周穆王得驥溫驪騊駼耳之馱西巡狩樂而

忘歸其後又有非子居犬丘好馬及畜善養息之

犬豕人言之周孝王孝王召使主馬于汧渭之間
馬犬蕃息於是孝王曰昔伯醫為舜主畜畜多息
故有土賜姓嬴今其後世亦為朕息朕其分土為

附庸邑之秦使復續嬴氏之祀

史記

魯莊公二十

九年春新作延廡書不時也凡馬日中而出日中

而入

日中春秋分也治廡當以秋分因馬向入而脩之今以春作故曰不時左氏傳

延廡者法廡也

周禮天子十二閑馬六種邦國六閑馬四種每廡一閑言法廡者六

閑之舊制也

其言新有故也

言改故而新穀梁傳

定之方中

美衛文公也

詩序

匪直也人秉心塞淵騶牝三千

非獨

此人所以操其心者誠實而淵深也蓋其所畜之馬七尺而牝者亦已至于三千之衆矣蓋人操心誠實而淵深則無所為而不成其致此富盛宜矣記曰問國君之富數馬以對今言騶牝之衆如此則生息之蕃可見而衛國之富亦可知矣

鄭風

晉惠公與秦戰于韓

乘小駟鄭入也

鄭所獻馬名小駟

慶鄭曰古者大事必乘

其產生其水土而知其人心安其教訓而服習其

道唯所納之無不如志今乘異產以從戎事及懼

而變將與人易

變易人意

亂氣狡憤陰血周作張脈憤

興外彊中乾

殺戾也債動也氣殺憤於外則血脈必周身而作隨氣張動外雖有彊形

而內實乾竭

進退不可周旋不能君必悔之弗聽及戰

晉戎馬還渾而止

渾泥也還便旋也小駟不調故隋泥中

秦獲晉侯

以歸

僖十五年左氏傳

晉程鄭為乘馬御六駟屬馬使

訓羣駟知禮

程鄭荀氏別族乘馬御乘車之僕也六駟六閑之駟周禮諸侯有六閑馬

乘車尚禮容故訓羣駟使知禮

成十八年左氏傳 鬪且曰古者聚馬不

害民之財用國馬足以行軍

國馬民馬也十六井為工有戎馬一匹牛

三頭足以行軍也

公馬足以稱賦

公馬公之戎馬稱舉也賦兵賦也

不是

過也

國語
楚語

王府掌王之兵器凡王之獻兵器受而藏之

謂百工為
玉所作可

以獻遺諸
侯天官

內府掌受良兵良器凡四方之幣獻之兵

器入焉

諸侯朝聘所獻
國珍同上

職金入其金錫於為兵器之

府

為兵器者攻
金之工六也

掌受士之金罰入於司兵

給治兵
秋官

戎

器不粥於市兵車不中度不粥於市

玉制

右兵器總要 萃君子以除戎器戒不虞

除者修
而聚之

之謂

萃象傳

密須之鼓與其大路文所以大蒐也

密須

姑姓國也在安定陰密縣
文王伐之得其鼓路以蒐
闕鞏之甲武所以克商

也
闕鞏國
唐叔受之
昭十五年
越棘大弓天子

之戎器也
越國名也棘戟也春秋傳
曰子都拔棘明堂位

車有六等之數
車有天子之象人在其中焉
六等之數法易之三材六畫
車珍四尺

謂之一等戈秘六尺有六寸既建而逆崇於軫四尺謂

之二等人長八尺崇於戈四尺謂之三等戈長尋有四

尺崇於人四尺謂之四等車戟常崇於戈四尺謂之五

等酋矛常有四尺崇於戟四尺謂之六等
也此所謂兵車
軫與後橫

木崇高也八尺曰尋倍尋曰常又長丈二戈及戟矛皆
插車轆鄭司農云迪讀為倚移從風之移謂著戈於車
邪倚也首發
聲直謂矛
車謂之六等之數
申言數也
考工記
革路龍勒

條纓五就建大白以即戎

革路挽之以革而漆之無他
飾龍駢也以白黑飾韋雜色

為勒條讀為條其樊及纓以條絲飾之而五成不言樊
字蓋脫爾大白殷之旗猶周大赤蓋象正色也即戎謂
兵事
春
車僕掌戎路之萃廣車之萃闕車之萃革
官巾車

車之萃輕車之萃

萃猶副也此五者皆兵車所謂五戎
也戎路王在軍所乘也廣車橫陳之

車也闕車所用補闕之車也萃猶屏也所用對敵自蔽
隱之車也輕車所用馳敵致師之車也春秋傳曰公喪
戎路又曰其君之戎分為二廣則諸侯戎路廣車也又
曰帥旂闕四十乘孫子八陳有革車之陳又曰馳車十

乘五者之制及萃數未盡聞也書曰武王戎車三百輛故書萃作平杜子春云萃車當為輶車其字當為萃書亦或為萃凡師共萃車各以其萃五戎者共其一以為王優尊者所乘也而萃各從其元馬

春官

戎僕掌馭戎車掌王倅車之政

詳見征伐篇

右車

民車見兵制篇

夏后氏曰鈎車先正也殷曰寅車

先疾也周曰元戎先良也

司馬法

以爾鈎援與爾

臨衝以伐崇墉

鈎援鈎梯也所以鈎引上城所謂雲梯者也臨臨車也在上臨下者

也衝衝車也從旁衝突者也皆攻城之具也崇國名墉城也大雅皇矣

武王戎車

三百兩武賁三百人與受戰于牧野

書序

元戎十

乘以先啓行

元大也戎戎車也軍之前鋒也啓開行道也

戎車既安如

輕如軒

輕車之覆而前也軒車之却而後也凡車從後視之如輕從前視之如軒然後適調

也小雅六月

小戎伐收五檠梁輶游環脅驅陰鞞塗

續丈茵暢轂

小戎兵車也伐淺也收斂也謂車前後兩端橫木所以收斂所載者也凡

車之制廣皆六尺六寸其平地任載者爲大車則軫深八尺兵車則軾深四尺四寸故曰小戎伐收也五五束也檠厯錄然文章之貌也梁輶從前軾以前稍曲而上至衡則向下鉤之橫衡於輶下而輶形穹隆上曲如屋之梁又以皮革五處束之其文章厯錄然也游環鞞環也以皮爲環當兩服馬之背上游移前却無定處引兩驂馬之外轡貫其中而執之所以制驂馬使不得外出左傳曰如驂

之有薪是也。脅驅亦以皮為之。前係於衡之兩端，後係於軫之兩端。當服馬脅之外，所以驅駢馬使不得內入也。陰揜軌也。軌在軾前，而以板橫側揜之，以其陰映此軌，故謂之陰也。駢以皮二條前係駢馬之頸，後係陰板之上也。鍤續陰板之上有續，駢之處消白金沃濯其環，以為飾也。蓋車衡之長六尺六寸，止容二服駢馬之頸，不當於衡故別為二駢以引車，亦謂之駢。左傳曰：「兩駢將絕。」是也。文茵車中所坐虎皮褥也。暢長也。轂者車輪之中，外持輻內受軸者也。大車之轂一尺有半，兵車之轂長三尺二寸，故又曰龍盾之合，鍤以轂軌。盾干也。

盾合而載之，以為車上之衛，必載二者，備破毀也。轂環之有舌者，軌駢內轡也。置轂於軾前以繫軌，故謂之轂軌。亦消沃白金，以為飾也。秦風小戎：「潘黨率游闕四十乘。」

游車補闕者

宣十二年左傳

楚子登巢車以望晉軍

巢車車上為櫓

成十六

年左傳

車者軍之羽翼也所以陷堅陳要强

敵遮北走也易戰之法一車當步卒八十人八十

人當一車一車當六騎六騎當一車十乘敗千人

百乘敗萬人此其大數也置車之吏數五車而一

長十車而一吏五十車而一卒百乘而一將易戰

之法五車為列前後相去四十步左右十步險戰

之法車必循道十里為聚二十車為屯前後相去

二十步左右六步隊間三十六步五車一長縱橫
相去一里各返故道選車士之法取年四十以下
長七尺五寸已上走能逐馬及馳而乘之前後左
右上下周旋能超乘旌旗力穀八石弩射前後皆
便習者武車之士不可不厚也

六韜

函人為甲犀甲七屬兕甲六屬合甲五屬

屬讀如灌注之注謂上旅

下旅札續之數也革堅者札長鄭司農云合甲削革裏肉但取其表合以為甲

犀甲壽百年兕

甲壽二百年合甲壽三百年

革堅者又丈夫久

凡為甲必先為容

服者之形容也鄭司農云容謂象式然後制革裁制札之廣袤權其上旅與其下

旅而重若一

鄭司農云上旅謂要以下

以其長為之圍

圍謂札要

廣凡甲鍛不摯則不堅已敝則撓

鄭司農云鍛鍛革也摯謂質也鍛革大孰

則革敝無強曲撓也玄謂摯之言致

凡察革之道眡其鑽空欲其窓也

鄭司

農云窓小孔貌窓讀為宛彼北林之宛

眡其裏欲其易也

無敗也

眡其朕欲

其直也

鄭司農云朕謂革制

橐之欲其約也

鄭司農云謂卷置橐中也春秋傳曰橐甲

而見舉而眡之欲其豐也

豐大

衣之欲其無斷也

鄭司農云斷謂

如齒

眡其鑽空而窓則革堅也眡其裏而易則材更也

眡其朕而直則制善也橐之而約則周也舉之而豐則明也衣之無斷則變也

周密致也明有光耀鄭司農云更善也變隨人身便利考工

記

司甲

闕夏官

右甲 成公元年作丘甲

周禮九夫為井四井為邑四邑為丘丘十六井

甲鎧也

作為也丘為甲也

使丘之民皆作甲

丘甲國之大事

也丘作甲非正也古者立國家百工具農工皆有

職以事上古者有四民有士民

學習道藝者

有商民

通四

方之貨者

有農民

播殖耕稼者

有工民

巧心勞手以成器物者

夫甲非

人人之所能為也

各有業也

立作甲非正也

穀梁傳

五分其金而錫居一謂之斧斤之齊四分其金而錫居一謂之戈戟之齊參分其金而錫居一謂之大刃之齊

凡金多錫則忍白考工記

冶氏戈廣二寸內倍之胡三之援四

之

戈今句子戟也或謂之雞鳴或謂之擁頸內謂胡以內接秘者也長四寸胡六寸援八寸鄭司農云援直

刃也胡其子

已倨則不入已句則不決長內則折前短內則

不疾

戈句兵也主於胡也已倨謂胡微直而邪多也以啄人則不入已句謂胡曲多也以啄人則創不決

胡之曲直鋒本必橫而取圓於磬折前謂援也內長則援短援短則曲於磬折曲於磬折則引之與胡並鈞內

短則援長援長則倨於磬

是故倨句外博

博廣也倨之外胡之裏也

句之外胡之表也廣其本以除四

重三錡

鄭司農云錡量名也讀為

病而使用也俗謂之曼胡似此刷玄謂許叔重說文解字云錡鏹也今東萊稱或以大

半兩為鈞十鈞為環環重六兩大半兩鏹錡似同矣則

三錡為一 戟廣寸有半寸內三之胡四之援五之倨句

中矩與刺重三錡

戟今三鋒戟也內長四寸半胡長六寸援長七寸半三鋒者胡直中矩言

正方也鄭司農云刺謂援也玄謂刺者著秘直前如鑄者也戟胡橫貫之胡中矩則援之外句磬折與同上

廬人為廬器戈秘六尺有六寸及長尋有四尺車戟

常酋矛常有四尺夷矛三尋

秘猶柄也八尺曰尋倍尋曰常酋夷長短名酋之言

道也酋近夷長矣

凡兵無過三其身過三其身弗能用也而無

已又以害人

人長八尺與尋齊進退之度三尋用兵力之極也而無已不徒止耳

故攻國

之兵欲短守國之兵欲長攻國之人衆行地遠食飲飢

且涉山林之阻是故兵欲短守國之人寡食飲飽行地

不遠且不涉山林之阻是故兵欲長

言罷贏宜短兵壯健宜長兵

凡

兵句兵欲無彈刺兵欲無蝟是故句兵裨刺兵搏

句兵戈戟

屬刺兵矛屬故書彈或作但蝟或作絹鄭司農云彈讀為彈丸之彈絹讀為悞邑之悞悞謂橈也裨讀為鼓鼙之鼙玄謂蝟亦掉也讀為井中蟲蝟之蝟齊人謂柯斧柄為裨則裨隋園也搏園也數兵同強舉

圍欲細細則校刺兵同強舉圍欲重重欲傳人傳人則

密是故侵之

改句言數容及無刃同強上下同也舉謂手操鄭司農云校讀為絞而婉之絞重欲

傳人謂矛柄之大者在人手中者侵之能敵也玄謂校疾也傳近也密審也正也人手操細以數則疾操重以

刺則正然則為矜句兵堅者在後刺兵堅者在前

凡為及五分其長以其一為

之被而圍之參分其圍去一以為晉圍五分其晉圍去

一以為首圍凡為首矛參分其長二在前一在後而圍

之五分其圍去一以為晉圍參分其晉圍去一以為刺

圍

被把中也圍之圍之也大小未聞凡矜八觚鄭司農云晉謂矛戟下銅鑄也刺謂矛刃胃也玄謂晉讀如

王指大圭之指矜所捷也首及上鐫也
為戈戟之矜所圍如足夷牙如齒牙

凡試廬事置而

搖之以眡其蜎也炙諸牆以眡其撓之均也橫而搖之

以眡其勁也

置猶樹也炙猶柱也以柱兩牆之間軌而肉之本末勝負可知也正於牆牆置

六

建既備車不反覆謂之國工

六建五兵與人也反覆猶軒輶同上

桃

氏為劔臘廣二寸有半寸

臘謂兩刃

兩從半之

鄭司農云謂劔脊兩面殺

鈹以其臘廣為之莖圍長倍之

鄭司農云莖謂劔夾人所握鐔以上也玄謂莖

在夾中者莖長五寸

中其莖設其後

鄭司農云謂穿之也玄謂從中以卻稍大之也後大則於

把易制

參分其臘廣去一以為首廣而圍之

首圍其徑一寸三分寸之

二身長五其莖長重九鈐謂之上制上士服之身長四

其莖長重七鈐謂之中制中士服之身長三其莖長重

五鈐謂之下制下士服之

上制長三尺重三斤十二兩中制長二尺五寸重二斤十

四兩三分兩之二下制長二尺重二斤一兩三分兩之一此今之匕首也人各以其形貌大小帶之此士謂國

勇力之士能用五兵者也樂記曰武王克商裨冕搢笏而虎賁之士說劍同上

司兵掌五

兵五盾各辨其物與其等以待軍事

五盾干櫓之屬其名未盡聞也等謂

功沽上下鄭司農云五兵者戈殳戟酋矛夷矛

及授兵從司馬之法以頒之及

其受兵輸亦如之及其用兵亦如之

從司馬之法令師旅卒兩人數所用

多少也兵輪謂師還有司
還兵也用兵謂出給衛守
軍事建車之五兵會同亦如

之車之五兵鄭之司農云者是也步卒之五兵則無夷矛而有弓矢夏官司戈盾掌戈

盾之物而頒之分與軍旅會同授貳車戈盾建乘車之

戈盾授旅賁及虎士戈盾乘車王所乘車也軍旅則革路會同則金路及舍

設藩盾行則斂之舍止也藩盾盾可以藩衛者如今之扶藪與同上

右兵二矛重英二矛酋矛夷矛也英以朱羽為矛飾也酋矛長二丈夷矛長二丈

丈四尺並建於車上則其英重疊而見又曰二矛重喬矛之上句曰喬所以懸英

也英敝而盡所存者龍盾之合注見又曰公矛

喬而已鄭風清人禮書綱目 十五

盜錙蒙伐有苑

公矛三隅矛也盜錙以白金沃矛之下端平底者也蒙雜也伐中干

也盾之別名苑文貌畫雜羽之文於盾上也秦風小戎

吳建肥胡奉文犀

之渠

肥胡幡也文犀之渠謂楯也文犀犀之有文理者吳語

兵革藏於私

家非禮也是謂脅君

劫脅之君也兵革君之武衛及軍器也禮運

豪人掌受財于職金以齎其工

齎其工者給市財用之直

弓六物為

三等弩四物亦如之

三等者上中下人各有所宜弓人職曰弓長六尺六寸謂之上制上

士服之弓長六尺三寸謂之中制中士服之弓長六尺謂之下制下士服之弩及矢箠長短之制未聞矢

八物皆三等箠亦如之春獻素秋獻成

矢箠春作秋成書其等

以饗工

鄭司農云書工功拙高下之等以制其饗食也玄謂饗酒有勞之也上工作上等其饗厚下工

作下等

其饗薄 乘其事試其弓弩以下上其食而誅賞

鄭司農云乘計

也計其事之成功也故書試為考玄謂考之而善則上其食尤善又賞之否者反此

乃入功于司

弓矢及繕人

成功

凡齋財與其出入皆在橐人以待會而

攷之亡者闕之

皆在橐人者所齋工之財及弓弩矢箠出入其簿書橐人藏之闕猶除也弓弩

矢箠棄亡者除之計今現在者

夏官

弓人為弓取六材必以其時

取

以冬取角以秋絲漆以夏筋膠未聞

六材既聚巧者和之

聚猶具也

幹也者以

為遠也角也者以為疾也筋也者以為深也膠也者以

為和也絲也者以為固也漆也者為以受霜露也

六材之力

相得而足凡取幹之道七柘為上櫪次之檠桑次之橘次之

木瓜次之荆次之竹為下

鄭司農云櫪讀為億萬之億爾雅曰柘櫪又曰檠桑山桑

國語曰檠弧箕服

凡相幹欲赤黑而陽聲赤黑則鄉心陽聲則

遠根

陽猶清也木之類近根者奴

凡析幹射遠者用執射深者用直

鄭司農云執謂形執假令木性自曲則當反其曲以為弓故曰審曲面執玄謂曲執則宜薄薄則力少直則可

厚厚則力多

居幹之道菑栗不弛則弓不發

鄭司農云菑讀為不菑而奮之

菑栗讀為榛栗之栗謂以鋸副析幹弛讀為倚移從風之移謂邪行絕理者弓發之所從起玄謂栗讀為裂襦

裂之凡相角秋綢者厚春綢者薄穉牛之角直而澤老牛

之角終而昔

鄭司農云終讀為終縛之終昔讀為交錯之錯謂牛角攢理錯也玄謂昔讀履錯然

錯之疾疾險中

牛有久病則角裏傷

瘠牛之角無澤

少潤氣

角欲青白

而豐末

豐大也

夫角之本感於剗而休於氣是故柔柔故

欲其執也白也者執之徵也

感近也休讀為煦鄭司農云欲其形之自曲反以為

弓玄謂色白則執

夫角之中恒當弓之畏畏也者必橈橈故欲

其堅也青也者堅之徵也

故書畏作威杜子春云當為威威謂弓淵角之中央與淵

相當玄謂畏讀如秦師入隈之隈

夫角之末遠於剗而不休於氣是故

脆脆故欲其柔也豐末也者柔之徵也

末之大者剉角氣及煦之

長二尺有五寸三色不失理謂之牛戴牛

三色本白中青末豐鄭司

農云牛戴牛角直一牛

凡相膠欲朱色而昔昔也者深瑕而澤紵

而搏廉

搏團也廉瑕嚴利也

鹿膠青白馬膠赤白牛膠火赤鼠膠

黑魚膠餌犀膠黃

皆謂煮用其皮或用角餌色如餌

凡昵之類不能方

鄭司農云謂膠善戾故書昵或作機杜子春云機讀為不義不昵之昵或為勑勑粘也玄謂機脂膏臚敗之臚

臚亦粘也

凡相筋欲小簡而長大結而澤小簡而長大結而

澤則其為獸必剉以為弓則豈異於其獸

剉疾也鄭司農云簡讀為

擱然登押之擱玄謂讀如簡札之簡謂筋條也

筋欲敝之敝

鄭司農云嚼之當孰

漆欲測

鄭司農云測讀為惻隱之惻玄謂測讀如測度之測測猶清也

絲欲沈

如在水

得此六

材之全然後可以為良

全無瑕病良善也

凡為弓冬析幹而春

液角夏治筋秋合三材

三材膠漆絲鄭司農云液讀為譯

寒奠體

奠讀為定

至冬膠堅內之藥中定往來體

冰析澣

大寒中下於藥中復內之

冬析幹則易

理滑致

春液角則合

合讀為洽

夏治筋則不煩

煩亂

秋合三材則合

合堅

密也寒奠體則張不流

流猶移也

冰析澣則審環

審猶定也

春被弦

則一年之事

暮歲乃可用

析幹必倫

順其理也

析角無邪

亦正

斲

目必茶

鄭司農云茶讀為舒徐也目幹節目

斲目不茶則及其大修也

筋代之受病

脩猶久也

夫目也者必強強者在內而摩其筋

夫筋之所由憺恒由此作

摩猶隱也故書筋或作劓鄭司農云當為筋憺讀為車憺

之憺玄謂憺絕起也

故角三液而幹再液

重醅治之使相稱

厚其帑則木

堅薄其帑則需

需謂不充滿鄭司農云帑讀為襦有衣絮之絮帑謂弓中裨

是故厚

其液而節其帑

厚猶多也節猶適也

約之不皆約疏數必侔

不皆約纏

之繳不相次也皆約則弓帑侔猶均也

斲摯必中膠之必均

摯之言致也中猶均也

斲摯不中膠之不均則及其大修也角代之受病夫懷

膠於內而摩其角夫角之所由挫恒由此作幹不均則角蹴折也

凡居角長者以次需

當弓之隈也長短各稱其幹短者居簫

恒角而短是

謂逆撓引之則縱釋之則不校

鄭司農云恒讀為繫絙之絙玄謂恒讀為榘榘

竟也竟其角而短于淵幹引之角縱不用力若欲反撓然校疾也既不用力故之又不疾

恒角而達

辟如終絀非弓之利也

達謂長于淵幹若達於簫頭絀弓鞞角過淵接則送矢大疾若

見絀於鞞矣弓有鞞者為發弦時備頓傷詩云竹鞞緄滕

今夫菱解中有變焉故校

鄭司農云菱讀為激發之激菱謂弓檠也校讀為絞而婉之絞玄謂菱讀如齊人名手足擊為散之散菱解謂

接中也變謂簫臂用力異校疾也

於挺臂中有拊焉故剽

挺直也拊側骨剽亦疾也

鄭司農云剽讀為湖漂絮之漂

恒角而達引如終絀非弓之利

重明達角之不

利變譬言引字之誤

橋幹欲孰於火而無羸橋角欲孰於火而無

燂引筋欲盡而無傷其力鬻膠欲孰而水火相得然則

居旱亦不動居溼亦不動

羸過孰也燂炙爛也不動者謂弓也故書燂或作朕鄭司

農云字從燂

苟有賤工必因角幹之溼以為之柔善者在外

動者在內雖善於外必動於內雖善亦弗可以為良矣

苟愉也溼猶生也

凡為弓方其峻而高其柎長其畏而薄其敝

宛之無已應

宛謂引之也引之不休止常應弦言不罷需也峻謂簫也鄭司農云敝讀為蔽塞之

蔽謂弓人所握持者

下柎之弓末應將興

末猶簫也興猶動也發也弓柎卑簫應弦則柎

將動

為柎而發必動於綢

綢接中

弓而羽綢末應將發

羽讀為扈

扈緩也接中動則緩緩簫應弦則角幹將發

弓有六材焉維幹強之張如流

水無難易也

維體防之引之中參

體謂內之於檠中定其體防深淺所止謂體定張之

弦居一尺引之又二尺

維角堂之欲宛而無負弦引之如環釋之

無失體如環

負弦辟戾也負弦則不如環如環亦謂無難易鄭司農云堂讀如掌距之掌車掌之

掌

材美工巧為之時謂之參均角不勝幹幹不勝筋謂

之參均量其力有三均均者三謂之九和

有三讀為又參量其力又

參均者謂若幹勝一石加角而勝二石被筋而勝三石引之中三尺假令弓力勝三石引之中三尺弛其弦以繩緩揲之每加物一石則張一尺故書勝或作稱鄭司農云當言稱謂之不參均玄謂不勝無負也九和

之弓角與幹權筋三倂膠三錡絲三邸漆三剡上工以

有餘下工以不足

權平也倂猶等也角幹既平筋三而
又與角幹等也錡鏹也邸剡輕重未

聞為天子之弓合九而成規為諸侯之弓合七而成規

大夫之弓合五而成規士之弓合三而成規

材長則弓
句少也

長六尺有六寸謂之上制上士服之弓長六尺有三寸

謂之中制中士服之弓長六尺謂之下制下士服之

各人

以其形貌大
小服此弓

凡為弓各因其君之躬志慮血氣又隨其人之性

情

豐肉而短寬緩以荼若是者為之危弓危弓為之安

矢骨直以立忿疾以奔若是者為之安弓安弓為之危

矢

言損羸濟不足危奔若疾也骨直謂強毅
荼古文舒假借字鄭司農云荼讀為舒

其人安其

弓安其矢安則莫能以速中且不深

故書速或作數鄭司農云字從速速

疾也三舒不能疾而中言
矢行短也中又不能深

其人危其弓危其矢危則莫

能以愿中

愿慤也三疾不能慤而中
言矢行長也長謂過去

往體多來體寡謂

之夾吏之屬利射侯與弋

射遠者用執夾吏之弓合五
而成規侯非必遠顧執弓者

材必薄薄則弱弱則失深不中侯不落大夫士射侯往矢落不獲弋繳射也故書與作其杜子春云當為與往

體寡來體多謂之王弓之屬利射革與質

射深者用直此又直焉於

射堅宣也王弓合九而成規弧弓亦然革謂千盾質木

樁天子射侯亦用此弓大射曰中離維網揚觸柙復君

則釋獲其餘則否

往體來體若一謂之唐弓之屬利射深

射深用直

唐弓合七而成規大弓亦然春秋傳曰盜竊寶玉大弓

大和無灋其次筋角皆有

灋而深其次有灋而疏其次角無灋

大和光良者也深謂灋在中央兩邊

無也角無灋謂限裏

合灋若背手文

弓表裏灋合處若人合手背文相應鄭司農云如人手背

文理

角環灋牛筋黃灋麋筋斤蠖灋

黃泉實也斤蠖屈蟲也

和弓數

摩

和猶調也。數拂也將用弓必先調之。拂之摩之大射禮曰小射正投弓大射正以袂順左右限上再下一

覆之而角至謂之句弓

句於三體材敝惡不用之弓也。覆猶察也。謂用射而察之至猶

善也。但角善則失雖疾而不能遠。

覆之而幹至謂之侯弓

射侯之弓也。幹又善則失

疾而遠。覆之而筋至謂之深弓

射深之弓也。筋又善則矢既疾而遠又深。考工記

五分其金而錫居二謂之削殺矢之齊

同上

治氏為

殺矢刃長寸圍寸銚十之重三垸

殺矢與戈戟異齊而同工似補脫誤在此

也。殺矢用諸田獵之矢也。銚讀如麥秀銚之銚。鄭司農云銚箭足入橐中者也。垸量名。讀為丸。同上。

矢人為矢鏃矢參分第矢參分一在前二在後

參訂之而平者

前有鐵重也司弓矢職第當為殺鄭司農云
一在前謂箭橐中鐵莖居參分殺一以前兵矢田矢

五分二在前三在後
此二矢亦可以田田矢謂增矢也

殺矢七分三在前四在後
鐵又差短小也司參分其長

而殺其一
矢橐長三尺殺其五分其長而羽其一
羽者

以其筈厚為之羽深
筈讀為橐謂矢幹古文水之以辨

其陰陽
辨猶正也陰夾其陰陽以設其比夾其比以設

其羽
夾其陰陽者弓矢比在橐兩旁弩矢比在參分其

羽以設其刃
刃二則雖有疾風亦弗之能憚矣
故書憚或作但

鄭司農云讀當為憚之以威之憚謂風不能驚憚箭也

刃長寸圍寸銚十之重三

垸

刃長寸脫二

前弱則俛後弱則翔中弱則紆中強則

揚羽豐則遲羽殺則趨

言幹羽之病使失行不正俛低也翔迴顧也紆曲也揚飛也豐

大也趨旁掉也

是故夾而搖之以眡其豐殺之節也

今人以指夾矢儻衡

是橈之以眡其鴻殺之稱也

橈擲其幹

凡相筭欲生而搏同

搏欲重同重節欲疏同疏欲卓

相猶擇也生謂無瑕蠹也搏讀如搏黍之搏謂

圓也鄭司農云欲卓欲其色如卓也同上

司弓矢掌六弓四弩八矢之

灋辨其名物而掌其守藏與其出入

法曲直長短之數

中春獻

弓弩中秋獻矢箛

弓弩成於和矢箛成於堅箛盛矢器也以獸皮為之

及其頒之

王弓弧弓以授射甲革楯質者夾弓庾弓以授射紆侯

鳥獸者唐弓大弓以授學射者使者勞者

王弧夾庾唐大六者弓異

體之名也往體寡來體多曰王弧往體多來體寡曰夾庾往體來體若一曰唐大甲革革甲也春秋傳曰蹲甲而射之質正也樹楯以為射正射甲與楯試弓習武也紆侯五十步及射鳥獸皆近射也近射用弱弓則射大侯者用王弧射參侯者用唐大矣學射者弓用中後習強弱則易也使者勞者弓亦用中遠近可也勞者勤勞王事若晉文侯文公受王弓矢之賜者故書楯為報鄭司農云楯字或為鞬非是也圉師職曰射則充楯質又此司弓矢職曰澤共射楯質之弓矢言射楯質其矢箛自有弓謂王弧弓也以此觀之言報質者非

皆從其弓

從弓數也每弓者一箠百矢

凡弩夾庾利攻守唐大利車

戰野戰

攻城壘者與其自守者相迫近弱弩發疾也車戰野戰進退非強則不及弩無玉孤王孤恒服

弦往體少者使矢不疾

凡矢枉矢絜矢利火射用諸守城車戰殺

矢鏃矢用諸近射田獵矰矢箝矢用諸弋射恒矢痺矢

用諸散射

此八矢者弓弩各有四焉枉矢殺矢矰矢恒矢所用也絜矢矢絜矢痺矢弩所用也

枉矢者取名變星飛行有光今之飛矛是也或謂之絜矢絜矢象馬二者皆可結火以射敵守城車戰前於重後微輕行疾也殺矢言中則死鏃矢象馬鏃之言侯也二者皆可以司候射敵之近者及禽獸前尤重中深而不可遠也結繳於矢謂之矰矰增高也箝矢象馬箝之言刺也二者皆可以弋飛鳥刺羅之也前於重又微輕行

不低也詩云弋鳬與雁恒矢安居之矢也痺矢象馬二者皆可以散射也謂禮射及習射也前後訂其行平也凡矢之制枉矢之屬五分二在前三在後殺矢之屬參分一在前二在後矰矢之屬七分三在前四在後恒矢之屬軒輶中所謂志也鄭司農云痺矢讀為人罷短之罷玄謂痺讀如痺病之痺痺之言倫比天子之

弓合九而成規諸侯合七而成規大夫合五而成規士

合三而成規句者謂之弊弓

體往來之衰也往體寡來體多則合多往體多來體

寡則合少而國弊猶惡也句者惡則直善矣

凡師役會同頒弓弩各以其物

從授兵甲之儀

物弓弩矢簾之屬

凡亡矢者弗用則更

更償也用而棄

之則不償

繕人掌王之用弓弩矢簾矰弋挾拾

鄭司農云

扶者所以縱弦也拾者所以引弦也詩云扶拾既欣詩家說或謂扶謂引弦強也拾謂擣杆也玄謂扶挾矢時所以持弦飾也著右手巨指士喪禮曰挾用正王棘若擇棘則天子用象骨與擣杆著左臂裏以韋為之凡乘車充其籠箴載其弓弩

充籠箴以盛矢

既射則歛之

歛藏之也詩云

形弓弣兮受言藏之

無會計

亡敗多少不計

同上

右弓矢

虎韞鏤膺交韞二弓竹閉緄滕

虎韞以虎皮為

弓室也鏤膺鏤金以飾馬當脅帶也交韞交二弓於韞中謂顛倒安置之必二弓以備壞也閉弓繫也儀禮作韞緄繩滕約也以竹為閉而以繩約之於弛弓之裏繫弓體使正也秦風小戎

象弭魚服

象弭以象骨飾弓弣也魚獸名似猪東海有之其皮背上斑文腹下純青可為

弓韃矢服也

小雅采薇

鼓人以鼗鼓鼓軍事

大鼓謂之鼗
鼗鼓長八尺

以金鐸和鼓以金鐃

節鼓以金鏡止鼓以金鐸通鼓

鐸鐸于也
圜如碓頭大
上小下樂作鳴之與鼓

相和鐃鉦也形如小鐘
軍行鳴鐃鉦如鈴無舌有秉執而鳴之以為鼓節
司馬職曰

職曰鳴鏡且卻鐸大鈴也振之以
通鼓司馬職曰司馬振鐸地官

大司馬中春教振

旅辨鼓鐸鐃鏡之用王執路鼓諸侯執賁鼓軍將執晉

鼓師帥執提旅帥執鼙卒長執鏡兩司馬執鐸公司馬

執鐃

提謂馬上鼓有曲木提持立馬髦
上者故謂之提
詳見田役篇

司常掌九旗

之物名各有屬以待國事日月為常交龍為旂通帛為
旌雜帛為物熊虎為旗鳥隼為旗龜蛇為旐全羽為旟
析羽為旟及國之大閱贊司馬頒旗物王建大常諸侯
建旂孤卿建旌大夫士建物師都建旗州里建旗縣鄙
建旐道車載旟旟車載旟皆畫其象焉官府各象其事
州里各象其名家各象其號詳見通禮
名器下大司馬中秋
教治兵辨旗物之用王載大常諸侯載旟軍吏載旗師
都載旟鄉遂載物郊野載旐百官載旗各書其事與其

號焉

詳見田役篇

巾車革路建大白以即戎

詳見車章

右金鼓旌旗 宣子曰伐備鐘鼓聲其罪也

以聲彰其

罪也戰以鐸于丁寧傲其民也

鐸于形如確頭與鼓相和丁寧謂鉦也傲

戒也唐尚書云鐸于鐸也非也

鐸與鐸于各異物 國語晉語

會于黃池吳王

秉枹親就鳴鐘鼓丁寧鐸于振鐸

吳語

旂夏后氏

玄首人之執也殷白天之義也周黃地之道也章

夏后氏以日月尚明也殷以虎尚威也周以龍尚

文也

司馬法

小宰軍旅令百官府共其財用

天官

外府軍旅共其財

用之幣齎賜予之財用

齎行道之財用也同上

遺人師役掌其

道路之委積凡國野之道十里有廬廬有飲食三十里

有宿宿有路室路室有委五十里有市市有候館候館

有積

委積者廩人倉人計九穀之數足國用以其餘共之少曰委多曰積廬若今野候徒有房也宿可止

宿若今亭有室矣候館樓可以觀望者也一市之間有三廬一宿

地官

委人軍旅共其

委積薪芻凡疏財共野委兵器與其野圉財用

委積薪芻者委

積之薪芻也軍旅又有疏財以助未粟野委謂廬宿止之薪芻也其兵器謂守衛陳兵之器也野圉之財用者

苑圃藩籬之材

凡軍旅之賓客館馬

館舍也必舍此者就牛馬之用

同上廩

人凡邦有師役之事則治其糧與其食

行道曰糧謂備也止居曰食謂

米也同上

倉人凡國之大事共道路之穀積食飲之具

大事謂喪戎同上

牛人軍事共其犒牛

鄭司農云犒師之牛

同上外

饗師役則掌共其獻賜脯肉之事

獻謂酌其長帥天官

右財用

掌固掌修城郭溝池樹渠之固頒其士庶子及其衆庶

之守

樹謂枳棘之屬有刺者也衆庶民遞守固者也鄭司農說樹以國語曰城守之木於是乎用之設

其飾器

兵甲之屬今城郭門之器亦然

分其財用均其稍食

財用國以財所給守

吏之用也

稍食祿廩任其萬民用其財器

任謂以其任使之也民之材器其所用整築及

為藩落

凡守者受法焉以通守政有移甲與其役財用唯

是得通與國有司帥之以贊其不足者

凡守者士庶子及他要害之守

吏通守政者兵甲役財難易多少轉移相給也其他非是不得妄離部署國有司掌固也其移之者又與掌固

帥致之贊佐也

晝三巡之夜亦如之

巡行也行守者為衆庶之解情

夜三鑿以

號戒

杜子春云讀鑿為造次之造謂擊鼓行夜戒守也春秋傳所謂賓將趣者與趣與造音相近故曰終

夕與燎玄謂鑿擊鑿警守鼓也三巡之間又三擊鑿

若造都邑則治其固與其守

法

都邑亦為城郭

凡國都之竟有溝樹之固郊亦如之

竟界也民

皆有職焉

職謂守與任

若有山川則因之

山川若穀泉河漢夏官

司

險掌九州之圖以周知其山林川澤之阻而達其道路

周猶徧也達道路者山林之阻則開鑿之川澤之阻則橋梁之

設國之五溝五涂而樹

之林以為阻固皆有守禁而達其道路

五溝遂溝洫澮川也五涂徑畛

涂道路也樹之林作藩落也

國有故則藩塞阻路而上行者以其屬

守之唯有節者達之

有故喪災及兵也閉絕要害之道備姦宄也同上

掌疆

關同上

鑄師凡軍之夜三鑿皆鼓之守鑿亦如之

守鑿備守

鼓也鼓之以鼗鼓杜子春云一夜三擊備守鑿也春秋傳所謂賓將趣者音聲相似

春官

典瑞

牙璋以治兵守

牙璋亦王使之瑞節兵守用兵所守若齊人戍遂諸侯戍周

同上

司

士國有故則致士而頒其守

故非喪則兵災夏官

大司徒國

有大故則致萬民於王門令無節者不行於天下

大故謂王

崩及寇兵也節六節有節乃得行防姦私

地官

小司徒大故致餘子

注見兵制

鄉大夫國有大故則令民各守其間以待政令

使民皆聚

於閭胥所治處以旌節輔令則達之

民雖以徵會行其將之者無節則不得通

同上

脩閭氏邦有故則令守其間互唯執節者不幾

令者令其

閭內之閭胥里宰之屬

互謂行

職金凡國有大故

馬所以障互禁止人也

秋官

而用金石則掌其令

孟冬

作槍雷椎棹之屬同上

坏城郭戒門閭修鍵閉慎管籥固封疆備邊境完要塞

謹關梁塞徯徑

坏益也鍵壯閉牝也管籥搏鍵器也固

公若有出

守法也要塞邊城要害處也梁橋橫也徯

徑禽獸之道也今月令疆或為璽月令

疆之政

謂朝覲

庶子以公族之無事者守於公宮正室

守太廟

正室適子也太

廟太祖之廟

諸父守貴宮貴室

謂守

孫守下宮下室

下宮親廟也下室燕寢或言宮

諸子諸

或言廟通異語

文王世子

右守禦 天險不可升也地險山川丘陵也王公

設險以守其國險之時用大矣哉

坎象傳

樂武子

曰楚軍內官序當其夜

內官近官序次也

以待不虞不可

謂無備

宣十二年左氏傳

晉侯使申公巫臣如吳假道

于莒與渠丘公立於池上

渠丘公莒子朱也池城池也渠丘邑名莒縣有

蘧里曰城已惡莒子曰辟陋在夷其孰以我為虞

虞度

也對曰夫狡焉

狡猾之人

思啓封疆以利社稷者何國

蔑有唯然故多大國矣唯或思或縱也

世有思開封疆者有

縱其暴掠者莒人當唯此為命

勇夫重閉況國乎

為明年莒潰傳成八年左氏

傳

十一月楚子重伐莒圍渠丘渠丘城惡衆潰

奔莒戊申楚入渠丘楚師圍莒莒城亦惡庚申莒

潰楚遂入鄆莒無備故也

終巫臣之言

君子曰恃陋而

不備罪之大者也備豫不虞善之大者也莒恃其

陋而不修城郭浹辰之間而楚克其三都無備也

夫

浹辰十二日也

詩曰雖有絲麻無棄菅蒯雖有姬姜無

棄蕉萃凡百君子莫不代匱言備之不可以已也

逸詩也姬姜大國之女蕉萃
陋賤之人成九年在氏傳

楚囊瓦為令尹囊瓦

子囊之孫子城郢楚用子囊遺言已築郢城常也代陽句城郢矣今畏吳復增修以自固沈尹

戌曰子常必亡郢苟不能衛城無益也古者天子

守在四夷德及遠天子卑守在諸侯政卑損諸侯守在

四鄰鄰國為守諸侯卑守在四竟裁自完慎其四竟結

其四援結四鄰之國為援助民狎其野狎安習也三務成功春夏秋三

時之務民無內憂而又無外懼國焉用城今吳是懼

而城於郢守已小矣卑之不獲能無亡乎不獲守四竟

昔梁伯溝其公宮而民潰

在僖十八年

民棄其上不亡

何待夫正其疆場修其土田險其走集

走集邊竟之壘壁

親其民人明其伍候

使民有部伍相為候望

信其鄰國慎其

官守守其交禮

交接之禮

不僭不貪不懦不者

懦弱也者強也

完其守備以待不虞又何畏矣詩曰無念爾祖聿

修厥德

詩大雅無念念也聿述也義取念祖考則述治其德以顯之

無亦監乎

若教蚡冒至於武文

四君皆楚先君之賢者

土不過同

方百里為

一同言未滿一圻

慎其四竟猶不城郢今土數圻

方千里為圻

而郢是城不亦難乎

言守若是難以為安也為定四年吳入楚傳昭二十三年

年左

氏傳 諸侯之大夫盟于宋

盟在魯襄二十七年晉楚始盟以弭諸侯

之是衍也以蕃為軍

藩籬落也

攀輦即利而舍

攀引

也輦輦車也即就也

言人引

候遮扞衛不行

候候也

車就水草便利之地而舍之

引

候遮扞衛不行

望也

遮遮罔也

畫則候遮夜則扞衛扞衛謂羅闔狗附

也張羅闔去壘五十步而陳周軍中前後左右殲

弓注矢以誰何謂之羅闔又二十人為曹輩去壘

三百步畜犬其中或視前後或視左右謂之狗附

皆昏而設明而罷候遮二十人居狗附處以視聽

候望明而設昏而罷不行者不設之也 國語晉

語

禮書綱目卷四十九